

Санга алгъыш этгендиле анала,
Алай налат да бергендиле ала.
Жеринги жаудан да къоруулагъанса,
Алай терслик саууту да болгъанса!

Хатасызны жүрегин тешип ётген,
Сабийлени керексиз ёксюз этген,
Кюнлеринг къузгъун къычыргъандан толуп,
О, нек турдунг зорчугъа сауут болуп?!

Атамы тоюнда да тагъылгъанса,
Алай къарындашымы да жойгъанса,
Аузунгу кюн тыякъ да жылтыратды,
Кече къарангысы да кёп къаралтды.

Сени къындан батыр да сууургъанды,
Алай бетсиз мурдар да чыгъаргъанды,
Мен да махтагъан да этеме сени,
Алай айтама мен да налат сёзню.

Махтайма мен сени батыр сууургъан
Сагъатны, эски тау жырлада тургъан.
Аузунгда сары ай да кёрюннгенди,
Къара булут кёрюне да келгенди.

Батырланы сени тутхан къолларын
Махтайма, ташлагъа къатхан къанларын.
Аналаны кёз жашларындан кюймей
Къалай къалдынг, къама, сен жерге кирмей?!

Сени ишлеген устаны сюеме,
Ол жарлыны жой демеди, билеме, –

Уста деген жерини тутуругъу
Болады, огъурлу аны кѳуллугъу.

Уста керексиз кѳан тѳгюлюрюне
Ыразы болмаз, тюзле ѳлюрюне.
Кѳама, сен терсни, тюзню да жойгѳанса,
Жигитге, мурдаргѳа да кѳуланнганса.

Кѳама, кѳама! Мен кѳрюп да болмайма
Сени, суймегенлей да кѳоялмайма!
Бирде кѳатынг бла кѳаргѳай ѳтеме,
Бирде, сени алып, уппа ѳтеме!

1961